

文苑

送人之南米

火 洋 生

環球人是白黑黃黑黃如羊白如狼狼視眈眈又爛々垂涎磨牙窺隙長君不見優勝劣敗自然理弱肉強食何以防地可掠人可殺世界卽是修羅場又不見勢力全量真天則小國力豈無盡藏休施增甲減乙策兵備僅整民力傷民足兵強彼何故畢竟在吞并土疆嗚呼富國原料求何處南米洲裡金銀岡巴馬開通未了事白人船舶尙不忙時哉々々機難再慮國急矣慮身遑君今慨然挺身起南向直爲萬里航大洋上八千里赤道線下孕風檣鳥群噪來大陸近雲耶山耶一髮蒼到處千峯又萬岳鍊足直須試強剛人生幸得爲男子豈與文書腐草堂冒險凌艱平生志立功成業在他卿臨別益覺豪壯氣淚點不灑丈夫腸八小州外君欲去滿酌勿辭斗大觴形骸縱雖隔萬里精神往來又何妨請看兵法貴神速奪白人膽在此行行矣安底最高頂須揚日本國旗光

讀亡友高見君遺稿

故人何處隔幽明空對殘篇愁淚生
勤學嘗堪螢雪苦文章夙得秀才名
他年言諾濟民業平日衷心報國情
只有天涯孤雁叫滿庭霜葉落無聲